

Maibummel 2012

Träffpunkt Wolfsmatt, turne hämmer kei
mir mached nämli en Bummel im Mai
es hätt natürlig alli wunder gna, wohi
uf jede Fall isch das dä kürzisch Maibummel gsi

Aber ich tue am beschte vo vorne afange
zerscht ischs 10 Minute nach Oschte dänn 20 Minute nach Weschte gange
mir händ bi dä Bettina en feine Apéro übercho
und händ natürlig das neue Hus under d'Lupe gno
echli niedrig und mit halb volle Büch simmer nach Weschte gloffe
und öpe am Achte im Kafi Grüezi itroffe



Es Salatbüffe, Pizza, Tiramisu und Chueche hätt mer chönne ha
die meischte händ vo allem gna
links vo mir isch eini gsässe
die hätt schtändig vo mim Täller gässe
wills eigentlich ä netti isch han ichs mit Fassig treit
und natürlig nüd gseit

Mit viel schwätze, viel lache isch dä Abig verbi
Regula sisch alles wunderbar gsi
dä Bettina und ihrem Ma herzliche Dank
fürs dörfe umeluege und für Schpis und Trank
em chline Töchterli fürs serviere
und em Gaby fürs organisiere.

Romy Anderhalden